

■丁子朗入行前已視靚湯是「女神」。

磨合期相處愉快否認婚訊



■黃心穎(左)與湯洛雯被指往日姐妹情不再。資料圖片



■早前傳出馬明向靚湯求婚成功。資料圖片

湯洛雯歡迎馬國明入住娘家

靚湯與丁子朗昨日出席腕錶活動，靚湯被問到與馬明於明年年初結婚一事，她否認說：「無結婚，無求婚這回事，求婚不要問我，因求婚不是我做，而且我們拍拖得幾個月，不想太快結婚，之前話我們去睇樓盤，其實是經過櫥窗望一下，加上我們已有共識，結婚的話不會隱瞞，做藝人有拍拖生活好正常，觀眾都好接受，情侶間有傾過結婚的事，但沒去深入探討，大家拍拖都是朝結婚方向走，我們年紀不小了。（都好快結婚？）這要問他，我覺得畀家相處好舒服，處於磨合期，開始更了解大家生活，會循序漸進不會閃婚，拍拖要經歷過先知大家是否適合。（先考慮同居？）我同父母一齊住，如果不介意，我們都是同家人住，互相拜訪大家屋企先，順其自然。」

踢爆丁子朗戀情

有指靚湯父親湯鎮宗送上豪宅別墅給她做嫁妝，靚湯即澄清說：「我有份界錢㗎！是屋企人一齊夾錢的，是我買界屋企人住，他們供

我去外國讀書，都想報答家人，想一家人搬入去住，絕對不關馬明事，好無奈。」

提到她與好姐妹心穎互相取消關注，靚湯表示全不知情：「通常follow了就不會再去掂，所以不明為何會這樣。（你和心穎不再是朋友？）不會話不是朋友，她去美國後是少了聯絡，中間有傾過偈，但最近大家都忙，很少聯絡，（無綫同心穎解約？）無了解，我對自己份約都未了解。」

入行前已視靚湯是「女神」的丁子朗，昨日首度跟「女神」同場出席公開活動，見他全程表現拘謹，對着女神時更口窒窒兼標汗，他謂：「難得同咁好前輩合作，既開心又興奮。」靚湯打趣笑說：「你做乜嘅度示愛。」問到子朗有否興奮到代入是馬明？他笑說：「唔會，我好認真工作，（不敢同「女神」眼神接觸？）工作上需要望對方，（她同馬明拍拖會否失望？）唔會，作為粉絲都希望女神得到幸福。」此時，靚湯突然踢爆對方有女友，子朗沒料有此一着，顯得手足無措，大家便追問他是否跟華姐林宜好拍拖？他冒汗說：「我們是好朋友。」繼而向靚湯求救如何回應傳媒，靚湯率性道：「我直認，你都直認啦！」子朗透露對方在港時便一起食飯，現時分隔異地，可以視像通話又可以WhatsApp，非常方便。

劉德華熱血重唱《誰能明白我》



■劉德華藉激昂的歌聲讓觀眾感受電影角色的精神。

香港文匯報訊（記者 文芬）《熱血合唱團》將於11月26日上映，劉德華近日以一份熱血的心情重新演繹林子祥當日嘅經典作品《誰能明白我》，藉激昂的歌聲讓觀眾感受電影角色的精神，同時能夠吸引新生代發掘歌曲正面訊息，人生總要熱血一次！

另外，影壇新血林愷鈴與伍詠詩日前接受香港開電視主持植詠珊訪問，分享拍攝勵志電影《熱血合唱團》的趣事。二人表示新片均是她們的處女作，所以她們的心情既緊張又興奮。而談到首部作品便有幸和天王劉德華合作，她們都感到十分幸運，林愷鈴更大讚「華仔」零架子。她說：「劉德華好nice，亦好照顧我哋一班新演員，因為我哋嗰陣時係學生，拍完就要返學，但會讓畀我哋拍先，讓我哋可以早啲收工返學。」

問到愷鈴有沒有請教媽媽龔慈恩，她謂：「媽咪都有畀太多意見我，因為佢想我自己感受角色，用自己嘅方法去演繹。」至於戲中飾演熱愛cosplay女生的伍詠詩，則表示自己花了很多時間學習日文和跳舞，她說：「我本身唔識cosplay同日文，所以都要苦練一番，但好開心可以接到呢個角色！」



■林愷鈴與伍詠詩(左)參演劉德華新戲。



■朱主愛在新歌MV中扮鬼扮馬。

朱主愛新歌MV面世

香港文匯報訊 馬來西亞唱作女神朱主愛(小草)在《創造營2020》，憑借一手包辦作曲、填詞的新歌《老公公老婆婆》登上微博热搜榜，MV昨日終於正式面世。

朱主愛為紀念外公外婆的一段純真美好愛情故事而創作的《老公公老婆婆》，花盡不少心思，除了單曲封面首次化老年妝，分飾老公公及老婆婆兩角；在MV中小草亦不遺餘力，再次大膽嘗試創新風格，以「第三者」視角回到「老公公」與「老婆婆」舊時的相處場景，橫跨時空數十年，用歌曲串聯浪漫回憶，借此記錄外公外婆的真摯情感，暖心治癒。

MV情節通過一本記錄「老公公」「老婆婆」故事的日記簿來連接，MV當中的橋段全都來自於她外公外婆的真實故事，小草在成長過程中耳濡目染了他們滿懷愛意的「抱怨聲」，將記錄的細節點滴加以改編設計，真實感人的細節讓這首MV更能獲得大家的共鳴。

姜濤偕「台灣女友」街頭拍拖

香港文匯報訊（記者 文芬）人氣男團MIRROR成員姜濤推出最新歌曲《愛情簽證申請》，並遠赴台灣拍攝劇集近4個多月，前晚終於返港，他在機場等待檢疫期間，透過手機欣賞新歌MV首播。今次姜濤有份參與新歌填詞及創作MV劇本，他坦言將自身感受及愛情觀寫進詞中：「新歌主要講如果一段愛情明知有結果，你仲會唔會開始呢？我覺得每個藝人，或者好似我哋呢種偶像拍每一次拖都要好小心，唔敢輕易開始一段新感情。唔止係藝人，我覺得現時每一個都要識得去分辨唔可以對每段戀情負上責任。」

為新歌填詞自爆愛情觀

新歌MV在台灣實地取景，姜濤曾在直播向隊友透露結識了「台灣女友」，隨著新歌MV首播後，台灣「姜女郎」也終於曝光！原來團隊邀請到《超感應學園》同劇女演員林思廷（Tammy）擔任MV女主角，與姜濤飾演一對甜蜜小情侶在台灣街頭奉旨拍拖。姜濤在MV中與女主角Tammy在酒吧中不乏依偎拖手、深情對望等親密互動，問到有否觸電的感覺？姜濤害羞表示：「冇呀，我一直望住佢眉心，我驚望住佢對眼會怕醜。佢都有問過我要望我邊度，佢都係好似望我塊面嘅其中一處地方，過電？今次就應該有喇。」提到他的理想型女友時，他笑言：「我鍾意嘅其實有乜特別，但今次出發前阿媽有叫我搵個台灣女朋友，我努力㗎阿媽！」而Tammy亦對姜濤讚不絕口，大讚對方有型帥氣：「我們本來在拍戲先認識，他私底下是大男孩的樣子，但這次拍MV就看到他偶像的一面，很帥很不一樣！」



■姜濤在MV迴避跟「台灣女友」四目交投。



■羅子溢日前難得返無綫開工。

羅子溢樂聽大家喊新名

香港文匯報訊（記者 梁靜儀）羅子溢（前名羅仲謙）與太太楊茜堯（前名楊怡）早前為了家人健康而齊齊改名，近日子溢返電視城開工，很開心聽見大家都叫他的新名。

羅子溢正忙於為新劇《兒科醫生》拍攝，因為劇集多是實景拍攝，所以他已有一段時間沒返電視城，日前難得返公司開工，他即趁空檔過廠跟同事打招呼寒暄，不過最開心是聽到大家都叫他的新名，他笑說：「好開心佢哋咁有心記得，不過嗰我謙謙我都會應。」

在《兒科醫生》中他扮演醫生，需要記一大堆醫學名詞，他慶幸現場有真醫生顧問在場協助，但自己亦都要花更多時間準備劇本。

當年子溢曾在劇集《On Call 36小時》飾演醫生，他指今次劇集同以往唔同，因為自己已升任做爸爸，今次又對住唔少小演員，就更易感觸。



■蝦頭在舞台劇中將一人分飾多角。

蝦頭演舞台劇 不介意執二攤

香港文匯報訊（記者 李思穎）楊詩敏（蝦頭）、鄧智堅、白只等合演的舞台劇《姦藥英雄宴》，將於明年1月底演出13場，一眾演員昨日出席發布會後，便開始為舞台劇圍讀及綵排，因疫情關係，現時限聚令下，場館只可有七成半入座率，蝦頭希望到時可以再放寬，這一年蝦頭因疫情令工作大減，她透露原定今年初重演一齣舞台劇，兩度延期仍未能成事，唯有寄望下半年能順利演出，所以她非常珍惜今次演出機會，蝦頭在舞台劇《姦藥英雄宴》將一人分飾多角，扮演劇中幾位男士生命中最重要的人，當中不乏性感造型，其中一段情始於城寨，她透露：「要有性感尤物的感覺，會否『拋胸』上陣則視乎尺度而定，通常我同導演講可以性感，他們都會說睇定啲先，哈哈。」

原來蝦頭一角最初屬意人選是林志玲，最終由蝦頭「執二攤」，她表示不介意，可以演多個角色很過癮。



■台灣藝人林志玲。